



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: T20 0 KT 0024781 23
Sarajevo, 13.04.2026. godine

SUD BOSNE I HERCEGOVINE
- Sudiji za prethodno saslušanje -
SARAJEVO

Na osnovu člana 35. stav 2. tačka i), člana 226. stav 1. i člana 227. Zakona o krivičnom postupku Bosne i Hercegovine, p o d i ž e m:

OPTUŽNICU

ZUKIĆ ISHAKA, zv. "Cipko", rođen 25.04.1983. godine u Gornjem Vakufu, državljanin BiH

ŠTO JE:

Dana 16.11.2023. godine oko 19,00 časova u Velikoj Kladuši, a s ciljem pribavljanja protivpravne imovinske koristi u njemu poznatom iznosu, po prethodnom dogovoru sa njemu poznatim licima, izvršio prihvata 25 stranih državljana iz Sirije i Iraka, od čega 14 punoljetnih i 11 maloljetnih lica i to: „(...)“, „(...)“, „(...)“, „(...)“, „(...)“, mldb 1, mldb. 2, mldb. 3, mldb. 4, mldb. 5, mldb. 6, „(...)“, mldb.7, mldb. 8, „(...)“, „(...)“, mldb. 9, „(...)“, „(...)“, mldb. 10, mldb. 11, „(...)“, „(...)“, „(...)“, „(...)“, te ih smjestio u tovarni prostor teretnog motornog vozila marke „Volkswagen“, tip 70 X0A, bijele boje, vlasništvo firme „(...)“, a na kojem vozilu su se na prednjoj strani nalazile nepripadajuće registarske oznake ..., a na zadnjoj strani nepripadajuće registarske oznake ..., te ista lica povezao do MGP Velika Kladuša, u namjeri da ih preveze do R Hrvatske, na koji način je postupio suprotno članu 6. Protokola protiv krijumčarenja migranata kopnenim, morskim i vazдушnim putem kojim se dopunjuje Konvencija UN protiv transnacionalnog organizovanog kriminala („Službeni glasnik BiH“, broj 3/02) i članu 7. stav 2. Zakona o graničnoj kontroli („Službeni glasnik BiH, broj: 53/09, 54/10 i 47/14) iako je znao i bio svjestan da isti ne ispunjavaju uslove za zakonit prelazak državne granice, usljed nedostatka putnih isprava sa važećim vizama, te dozvola za ulazak u zemlje EU, odnosno da u tim državama nemaju odobren boravak ili prebivalište, kako je to propisano članom 8. stav 1. Zakona o strancima („Službeni glasnik BiH“, broj: 88/15 i 24/21), gdje je prilikom granične kontrole kontrolisan od strane ovlaštenih službenih lica MGP Velika Kladuša i u kombiju pronađeni sakriveni migranti, te

su na taj način ovlaštena službena lica spriječila Zukić Ishaka da krijumčarene migrante preveze u R Hrvatsku.

Dakle, u namjeri sticanja protipravne imovinske koristi, pokušao omogućiti prelazak stranih državljana preko državne granice, koja lica nisu ispunjavala uslove za zakonit prelazak granice sa teritorije BiH na teritoriju R Hrvatske, među kojima i maloljetna lica,

Čime je počinio krivično djelo Krijumčarenje ljudi iz člana iz čl. 189. stav 4. u vezi sa stavom 1. KZ BiH, a sve u vezi sa članom 26. KZ BiH.

TUŽILAC
TUŽITELJSTVA/TUŽILAŠTVA BiH